



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gvilielmi Becani E Societate Iesv Idyllia Et Elegiae

Becanus, Gulielmus

Antverpiae, 1655

Elegia III. Ad Serenissimvm Ferdinandvm. De morâ ei in Italiâ iniectâ & alpium transmissione.

urn:nbn:de:hbz:466:1-12773

ELEGIARVM LIB. II. 81

Et seruaturum populos seruate, nec vnum
 Fluētibus his perdi credite posse caput.
 Belgica naufragium puppi patietur in illâ :
 Hei mihi! si fruſtrâ tot modò vota facit.
 Hei mihi! si vestras fruſtrâ procumbit ad aras,
 Et spargit lacrymis omnia templa suis ;
 Si yenâ nondum digna est vestroque fauore ,
 Imperio dignam quam putat ille suo.
 Nequidquam timeo. Redeunt sua sidera cælo,
 Et rabiem Boreas ponit, & vnda suam.
 Incolumes terram propè iam tenuere carinæ;
 Iam portum è summâ nauita puppe videt.
 Felicem terram, quæ gaudia debita Belgis,
 Præcipiet; felix, quod premet ille, solum.

ELEGIA III.

AD SERENISSIMVM FERDINANDVM.

*De morâ ei in Italâ injectâ & alpium
 transmissione.*

RVmpe moras, Fernande: manus tibi Belgica
 tendit,
 Tam tibi, tam fratri Belgica cara tuo:
 Et (quamuis Moncada nihil sinit esse timendum)
 Nescio quo sine te fluctuat illa metu,
 Et plus à tanto (quamuis nihil ille reliquit
 Armis quod potuit consilioque geri)
 Plus tamen, ut par est, à tanto Principe sperat.
 Est aliquid, summâ ducere stirpe genus.
 Nec minus infelix sibi te Germania poseit,
 Indiget auxiliis nec minus illa tuis.

F

Te

82 GUILIELMI BECANI

Te vocat assiduis, ô Princeps, vtraque votis
 Dinumerat lentoſ vtraque mœſta dies.
 Vtraque cùm vocat hæc, cur te tenet Itala tellus ?
 Cur magis illius vota preceſque valent ?
 Cur regio felix damno manet vna duarum,
 Plus iusto nostris perfruitur que bonis ?
 Iam certè discessit hiems ; iam frigore pulſo
 Apta viatori tempora veris eunt :
 Iam tibi miles adeſt ſummo Duce dignus, Iberis
 Et iunxit turmas terra Latina ſuas.
 Eia age, rumpe moras; populis nec ferre ſalutem ,
 Nec dubita laudes accelerare tuas.
 Quid loquor ? obſiſtit nobis natura; voluntas
 Nec ſua Fernandum, ſed graue tardat iter.
 Quoque miñus veniat, tangentes vertice cælum
 Impediunt Alpes, impediuntque niues.
 Hoc eſt, infidi quod poſt diſcrimina ponti,
 Poſt dubios timuit Belgica ſæpè Notos.
 Sed fruſtrà timuit. Nam quod natura negauit,
 Hoc illi virtus iam ſua pandet iter.
 Nempe datur forti quoquis penetrare: nec vlla
 Inuia viruſti diſſicilisque via eſt.
 Quis teneat volucrem, ne tendat in æthera, flaminam?
 Quis faciat nimbiſ fulminibusque moram ?
 Quis clauſum cæcis vetet expirare cauernis ,
 Et cælo Boream liberiore frui ?
 Quis, virtus obices nequeat quos vincere, ponat ?
 Semper vel reperit, vel facit illa viam.
 Hac duce Fernandus per montes nubibus æquos ,
 Incola quos tuto vix ſubit ipſe pede,
 Per rigidas cautes & inhospita ſaxa, geluque
 Obſita perpetuo per loca carpit iter.

Hac

ELEGIARVM LIB. II.

83

Hac duce præcipites contemnit rupium hiatus,
 Nec timet abruptas per iuga summa vias.
 Et quò consuetas pasci per saxa capellas
 Vix ageret pastor, h̄ic sua castra locat.
 Scilicet ad magnos sic tendimus, inquit, honores †
 Ad famam mollis non solet esse via.
 Principis exemplo miles non segnior instat;
 Et pudor est tardè, quò præit ille, sequi.
 Ante alios festinat Iber, fortemque probare
 Iam tum præcipue se studet ille Duci:
 Et mediis dum pendet adhuc in rupibus agim̄en,
 Iam tum pugnandi tempus adesse cupit.
 Iamque animos, iamque arma parat, iam concipit
 iras,
 Iam spondet palmas exuiasque sibi :
 Et quasi vicinum conuitia iactat in hostem,
 Nec, nisi cunctari ne velit ille, timet.
 Gaudete ô Tylij, Feriæ gaudete sepulti,
 Qui vestras clades expiet, vltor adeit.

ELEGIA IV.

DE

VICTORIA AD NORTLINGAM.

*Obtentâ à Serenissimis Ferdinando IV. Hunga-
 riæ Rege, & Ferdinando Hisp. Infante.*

PLaudite iō populi, patriæ quos cura Dei que
 Tangit, & antiquæ relligionis honor.
 Plaudite, fortunam qui vestram ducitis esse,
 Austriacæ Numen quam volet esse Domus.

F 2

Et